

Headline	Beratur 3jam beli ikan RM5 sekilogram		
MediaTitle	Mingguan Malaysia		
Date	12 Nov 2017	Color	Full Color
Section	Dlm Negeri	Circulation	171,663
Page No	11	Readership	563,000
Language	Malay	ArticleSize	190 cm <sup>2</sup>
Journalist	N/A	AdValue	RM 4,281
Frequency	Daily	PR Value	RM 12,843



SITI ESAH YUSOF



R. PERUMAL



IZZATI SULAIMAN

## Beratur 3 jam beli ikan RM5 sekilogram

**KUALA LUMPUR 11 Nov.** - Walaupun tidak ramai yang sanggup beratur seawal pukul 7.30 pagi semata-mata untuk membeli ikan yang dijual dengan harga RM5 sekilogram di Pasar Tani Bandar Tasik Kesuma, Semenyih sempena Jelajah Jual Ikan Murah hari ini, namun peluang tersebut digunakan sebaik mungkin oleh penduduk sekitar yang memerlukan.

Bagi seorang pesara, **Siti Esah Yusof**, 54, peluang membeli ikan dengan harga murah itu boleh dikatakan jarang berlaku dalam keadaan kos sara hidup yang semakin meningkat ketika ini.

"Saya cukup teruja dapat membeli harga ikan yang jauh lebih murah, malah harga tong gas pun RM20, kalau dahulu bolehlah kita dapat harga murah tetapi sekarang semuanya mahal.

"Walaupun ikan yang dibeli tidaklah banyak mana, tetapi saya tetap bersyukur dengan rezeki Allah, berbaloi tunggu berjam-jam," katanya sambil mengharapkan jualan seumpama

itu lebih kerap diadakan.

Antara ikan yang dijual adalah kembung, cencaru, sardin dan mabong malah ayam proses turut dijual RM5 sekilogram dengan setiap pembeli dibenarkan membeli sehingga tiga kilogram.

Seorang lagi pesara, **R. Perumal**, 61, berkata, sukar untuk dia mencari mana-mana pasar yang menjual harga ikan murah seperti itu.

"Pada saya ini satu inisiatif yang sangat bagus, ikan dan ayam kalau di pasar biasanya dijual berbelas ringgit tetapi sini tidak sampai RM10, harga ini tidak boleh dapat dekat tempat lain," katanya.

Sementara itu, seorang kakitangan swasta, 36, **Izzati Sulaiman** mengakui harga ikan yang ditawarkan tersebut sememangnya amat murah berbanding di pasar-pasar yang sering dikunjungi.

"Kalau nak banding harga memang jauh beza, ikan di pasar kebanyakannya hampir RM20 sekilogram, tetapi di sini lebih murah. Alhamdulillah," katanya.